

全唐詩



全唐詩

詞八

李珣

五十一  
四首

漁父

水接衡門十里餘，信船歸去臥看書。  
輕爵祿，慕玄虛，莫道漁人只爲魚。

避世垂綸不記年，官高爭得似君閑。  
傾白酒，對青山，笑指柴門待月還。

擢警鷗，飛水濺，袍影隨潭面。  
柳垂緜，終日醉絕塵勞，曾見錢塘八月濤。

南鄉子

煙漠漠，雨淒淒，岸花零落鷓鴣啼。  
遠客扁舟臨野渡，思

聖葉莫雨，雲華散，翠華零。燕鷗歸帝，空臨舟，詔理新恩。

南歌子

貝葉無人，月盡

深鎖豆蔻花垂千萬朵

乘綵舫過蓮塘，擢歌驚起睡鴛鴦。帶香遊女，偎伴笑爭

窈窕，競折團荷，遮晚照。

傾綠蟻泛紅羸，閑邀女伴簇笙歌。避暑信船輕浪裏，閑

遊戲，夾岸荔枝支紅蘸水。

雲帶雨浪迎風，釣翁回櫂碧灣中。春酒香熟鱸魚美，誰

同醉，續却扁舟篷底睡。

沙月靜水煙輕  
菱荷香裏夜船行  
綠鬢紅臉誰家女  
遙相顧緩唱權歌極浦去

漁市散渡船稀  
越南雲樹望中微  
行客待潮天欲暮  
送春浦愁聽猩猩啼瘴雨

攏雲髻背犀梳  
焦紅衫映綠羅裾  
越王臺下春風暖  
花盈岸遊賞每邀鄰女伴

相見處晚晴天  
刺桐花下越臺前  
暗裏回眸深屬意  
遺雙翠騎象背人先過水

攜籠去采菱歸  
碧波風起雨霏霏  
趁岸小船齊擢急  
羅衣溼出向枕棖樹下立

雲髻重葛衣輕  
見人微笑亦多情  
拾翠采珠能幾許  
來

還去爭及村居織機女

登畫舸泛清波采蓮時唱采蓮歌攔櫂聲齊羅袖斂池  
光颭驚起沙鷗八九點

雙鬢墜小眉彎笑隨女伴下春山玉纖遙指花深處爭  
回顧孔雀雙雙迎日舞

紅豆蔻紫玫瑰謝娘家接越王臺一曲鄉歌齊撫掌堪  
遊賞酒酌羸杯流水上

山果熟水花香家家風景有池塘木蘭舟上珠簾卷歌  
聲遠椰子酒傾鸚鵡醞

新月上遠煙閑慣隨潮水采珠來櫂穿花過歸溪口酌  
春酒小艇纜牽垂岸柳

西溪子

金縷翠鈿浮動妝罷小窗圓夢日高時春已老人來到  
滿地落花慵掃無語倚屏風泣殘紅一作離思正  
難入金縷  
馬上見時如夢認得臉波相送柳堤長無限意夕陽裏  
醉把金鞭欲墜歸去想嬌嬈暗魂銷

女冠子

二首

星高月午丹桂青松深處醮壇開金磬敲清露珠幢立  
翠苔步虛聲縹緲想像思徘徊曉天歸去路指蓬萊  
春山夜靜愁聞洞天疎磬玉堂虛細霧垂珠佩輕煙曳  
翠裾對花情脈脈望月步徐徐蜀阮今何處絕來書

中興樂

後庭寂寂日初長  
翩翩蝶舞紅芳繡  
簾垂地金鴨無香  
誰知春思如狂憶  
蕭郎等閑一去程  
遙信斷五嶺三湘  
休開鸞鏡學宮妝  
可能更理笙簧倚  
屏凝睇淚落成  
行手尋帚帶鴛鴦  
暗思量忍孤前約  
教人花貌虛老風  
光

酒泉子

寂寞青樓風觸繡  
簾珠碎撼月朦朧  
花暗澹鎖春愁  
尋思往事依稀夢  
淚臉露桃紅色重  
鬢歛蟬釵墜鳳思  
悠悠

雨漬花零紅散香  
凋池兩岸別情遙  
春歌斷掩銀屏  
孤帆早晚離三楚  
閑理鈿箏愁幾許  
曲中情弦上語不



堪聽

秋雨連絲聲散敗荷叢裏那堪深夜枕前聽酒初醒  
牽愁惹思更無停燭暗香凝天欲曙細和煙冷和雨透  
簾旌

秋月嬋娟皎潔碧紗窗外照花穿竹冷沈沈印池心  
凝露滴砌蛩吟驚覺謝娘殘夢夜深斜傍枕前來影徘徊

浣溪沙

入夏偏宜澹薄妝越羅衣褪鬱金黃翠鈿檀注助容光  
相見無言還有恨幾回判却又思量月窗香徑夢悠

颺

晚出閑庭看海棠風流學得內家妝小釵橫戴一枝芳  
鏤玉梳斜雲鬢膩縷金衣透雪肌香暗思何事立殘  
陽

訪舊傷離欲斷魂無因重見玉樓人六街微雨鏤香塵  
早爲不逢巫峽夢那堪虛度錦江春遇花傾酒莫辭  
頻

紅藕花香到檻頻可堪閑憶似花人舊歡如夢絕音塵  
翠疊畫屏山隱隱冷鋪文簟水潐潐斷魂何處一蟬  
新

巫山一段雲

有客經巫峽停橈向水湄楚王曾此夢瑤姬一夢杳無

期 塵暗珠簾卷香銷翠幄垂西風回首不勝悲暮雨  
灑空祠

古廟依青嶂行宮枕碧流水聲山色鎖妝樓往事思悠  
悠 雲雨朝還暮煙花春復秋啼猿何必近孤舟行客  
自多愁

菩薩蠻

回塘風起波文細刺桐花裏門斜閉殘日照平蕪雙雙  
飛鷓鴣 征帆何處客相見還相隔不語欲魂銷望中  
煙水遙

等閑將度三春景簾垂碧砌參差影曲檻日初斜杜鵑  
啼落花 恨君容易處又話瀟湘去凝思倚屏山淚流

紅臉斑

隔簾微雨雙飛燕  
砌花零落紅深淺  
捻得寶箏調心隨  
征權遙 楚天雲外路  
動便經年去香斷畫屏深  
舊歡何處尋

漁歌子

楚山青湘水淥春風澹蕩  
看不足草芊芊花簇簇  
漁艇櫂歌相續 信浮沈  
無管束釣回乘月歸灣  
曲酒盈尊雲滿屋  
不見人間榮辱

荻花秋瀟湘夜橘洲佳景  
如屏畫碧煙中明月下  
小艇垂綸初罷 水爲鄉  
蓬作舍魚羹稻飯常滄也  
酒盈杯書滿架  
名利不將心挂

柳垂絲花滿樹鶯啼楚岸春天暮  
權輕舟出深浦緩唱  
漁郎歸去罷垂綸還酌醕孤村遙  
指雲遮處下長汀  
臨深渡驚起一行沙鷺  
九疑山三湘水蘆花時節秋風起  
水雲間山月裏權月  
穿雲遊戲鼓清琴傾淥蝶扁舟自  
得逍遙志任東西  
無定止不議人間醒醉

望遠行

春日遲遲思寂寥行客關山路遙  
瓊窗時聽語鶯嬌柳  
絲牽恨一條條休暈繡罷吹簫  
貌逐殘花暗凋同心  
猶結舊裙腰忍孤風月度良宵  
露滴幽庭落葉時愁聚蕭娘柳  
眉玉郎一去負佳期水

雲迢遰雁書遲  
屏半掩枕斜欹  
蠟淚無言對  
垂吟蛩  
斷續漏頻移  
入窗明月鑒空幃

河傳

去去何處迢迢  
巴楚山水相連  
朝雲暮雨依舊  
十二峰前  
猿聲到客船  
愁腸豈異丁香  
結因離別故國  
音書絕想佳人  
花下對明月  
春風恨應同

春暮微雨送君  
南浦愁斂雙蛾  
落花深處啼鳥  
似逐離歌  
粉檀珠淚和  
臨流更把同心  
結情哽咽後會  
何時節不堪回首  
相望已隔汀洲  
櫓聲幽

虞美人

金籠鶯報天將曙  
驚起分飛處  
夜來潛與玉郎期  
多情

不覺酒醒遲失歸期  
映花避月遙相送  
膩髻偏垂鳳  
却回嬌步入香閨  
倚屏無語撚雲篔翠眉低

臨江仙

簾卷池心小閣虛  
暫涼閑步徐徐  
芰荷經雨半凋疎  
拂堤垂柳蟬噪夕陽餘  
不語低鬟幽思遠  
玉釵斜墜雙魚  
幾回偷看寄來書  
離情別恨相隔欲何如

鶯報簾前暖日紅  
玉爐殘麝猶濃  
起來闈思尚疎慵  
引愁春夢誰解此情悰  
彊整嬌姿臨寶鏡  
小池一朶芙蓉  
舊歡無處再尋蹤  
更堪回顧屏畫九疑峰

定風波

五首

志在煙霞慕隱淪  
功成歸看五湖春  
一葉舟中吟復醉

雲水此時方認自由身。花鳥爲鄰鷗作侶。深處經年  
不見市朝人。已得希夷微妙旨。潛喜荷衣蕙帶絕纖塵。  
十載逍遙物外居。白雲流水似相於。乘興有時攜短櫂。  
江島誰知求道不求魚。到處等閑邀鶴伴。春岸野花  
香氣撲琴書。更飲一杯紅霞酒。回首半鉤新月貼清虛。  
又見辭巢燕子歸。阮郎何事絕音徽。簾外西風黃葉落。  
池閣隱莎蛩叫雨霏霏。愁坐算程千萬里。頻跂等閑  
經歲兩相違。聽鶻憑龜無定處。不知淚痕流在畫羅衣。  
雁過秋空夜未央。隔窗煙月鎖蓮塘。往事豈堪容易想。  
惆悵故人迢遞在瀟湘。縱有回文重疊意。誰寄解鬟  
臨鏡泣殘妝。沈水香消金鴨冷。愁永候蟲聲接杵聲長。



簾外煙和月滿庭此時閑坐若爲情小閣擁爐殘酒醒  
愁聽寒風葉落一聲聲惟恨玉人芳信阻雲雨屏帷  
寂莫夢難成斗轉更闌心杳杳將曉銀釭斜照綺琴橫

歐陽炯

四十八首

南歌子

錦帳銀燈影紗窗玉漏聲迢迢永夜夢難成愁對小庭  
秋色月空明

漁父

擺脫塵機上釣船免教榮辱有流年無繫絆沒愁煎須  
知船中有散仙

風浩寒溪照膽明小君山上玉蟾生荷露墜翠煙輕撥

刺游魚幾箇驚

巫山一段雲

絳闕登真子飄飄御綵鸞  
碧虛風雨佩光寒  
斂袂下雲端  
月帳朝霞薄  
星冠玉藥攢  
遠遊蓬島降  
人間特地拜龍顏

春去秋來也愁心似醉醺  
去時邀約早回輪  
及去又何曾  
歌扇花光點  
衣珠滴淚新  
恨身翻不作車塵  
萬里得隨君

春光好

九首

天初暖日初長好  
春光萬彙此時皆  
得意競芬芳  
筍迸苔錢嫩  
綠花偎雪塢  
濃香誰把金絲裁  
翦却挂斜陽

花滴露柳搖煙豔陽天雨霽山櫻紅欲爛谷鶯遷  
飲處交飛玉學遊時倒把金鞭風颭九衢榆葉動簇青錢  
曾鋪雪臉分蓮理繁弦纖指飛翻金鳳語轉嬋娟 嘈  
噴如敲玉佩清泠似滴香泉曲罷問郎名箇甚想夫憐  
噴香散渚冰融暖空濛飛絮悠揚徧虛空惹輕風 柳  
眼煙來點綠花心日與妝紅黃雀錦鸞相對舞近簾櫳  
雞樹綠鳳池清滿神京玉兔宮前金榜出列仙名 疊  
雪羅袍接武團花駿馬嬌行開宴錦江遊爛熳柳煙輕  
芳叢繡綠筵張兩心狂空遣橫波傳意緒對笙簧 雖  
似安仁擲果未聞韓壽分香流水桃花情不已待劉郎  
垂繡幔掩雲屏思盈盈雙枕珊瑚無限情翠釵橫 幾

見纖纖動處時聞款款嬌聲却出錦屏妝面了理秦箏  
金轡響玉鞭長映垂楊堤上采花筵上醉滿衣香無  
處不攜弦管直應占斷春光年少王孫何處好競尋芳  
蘋葉嫩杏花明畫船輕雙浴鴛鴦出綠汀櫂歌聲春  
水無風無浪春來半雨半晴紅粉相隨南浦晚莫辭行

西江月

一名白蘋香  
一名步虛詞

月映長江秋水分明冷浸星河淺沙汀上白雲多雪散  
幾叢蘆葦扁舟倒影寒潭煙光遠罩輕波笛聲何處  
響漁歌兩岸蘋香暗起

水上鴛鴦比翼巧將繡作羅衣鏡中重畫遠山眉春睡  
起來無力細雀穩簪雲髻含羞時想佳期臉邊紅豔

對花枝猶占鳳樓春色

赤棗子

夜悄悄燭熒熒金爐香盡酒初醒春睡起來回雪面含  
羞不語倚雲屏

蓮臉薄柳眉長等閑無事莫思量每一見時明月夜損  
人情思斷人腸

女冠子

二首

薄妝桃臉滿面縱橫花靨豔情多綬帶盤金縷輕葦透  
碧羅含羞眉作斂微語笑相和不會頻偷眼意如何  
秋宵秋月一朶荷花初發照前池搖曳熏香夜嬋娟對  
鏡時藥中千點淚心裏萬條絲恰似輕盈女好風姿

更漏子

玉闌干金甃井月照碧梧桐影獨自箇立多時露華濃  
溼衣一向凝情望待得不成模樣雖叵耐又尋思爭  
生嗔得伊

三十六宮秋夜永露華點滴高梧丁丁玉漏咽銅壺明  
月上金鋪紅線毯博山爐香風暗觸流蘇羊車一去  
長青蕪鏡塵鸞綵孤

定風波

暖日閑窗映碧紗小池春水浸晴霞數樹海棠紅欲盡  
爭忍玉閨深掩過年華獨凭繡牀方寸亂腸斷淚珠  
穿破臉邊花鄰舍女郎相借問音信教人羞道未還家

木蘭花

兒家夫婿心容易，身又不來書不寄。閑庭獨立鳥關關，  
爭忍拋奴深院裏。悶向綠紗窗下睡，睡又不成愁已  
至。今年却憶去年春，同在木蘭花下醉。  
日照玉樓花似錦，樓上醉和春色寢。綠楊風送小鶯聲，  
殘夢不成離玉枕。堪愛晚來韶景甚，寶柱秦箏方再  
品。青蛾紅臉笑來迎，又向海棠花下飲。  
春早玉樓煙雨夜，簾外櫻桃花半謝。錦屏香冷繡衾寒，  
怱悵憶君無計舍。侵曉鵲聲來砌下，鸞鏡殘妝紅粉  
罷。黛眉雙點不成描，留待玉郎歸日畫。

清平樂

春來街砌春雨如絲細春地滿飄紅杏帶春燕舞隨風  
勢春幡細縷春繒春閨一點春燈自是春心撩亂非  
干春夢無憑

菩薩蠻

曉來中酒和春睡四支無力雲鬢墜斜臥臉波春玉郎  
休惱人目高猶未起爲戀鴛鴦被鸚鵡語金籠道兒  
還是慵

紅爐煖閣佳人睡隔簾飛雪添寒氣小院奏笙歌香風  
簇綺羅酒傾金醖滿蘭燭重開宴公子醉如泥天街  
聞馬嘶

翠眉雙臉新妝薄幽閨斜卷青羅幙寒食百花時紅繁



香滿枝 雙雙梁燕語蝶舞相隨去腸斷正思君閑眠  
冷繡茵

畫屏繡閣三秋雨香脣膩臉偎人語語罷欲天明嬌多  
夢不成 曉街鐘鼓絕嗔道如今別特地氣長吁倚屏  
彈淚珠

浣溪沙

落絮殘鶯半日天玉柔花醉只思眠惹窗映竹滿爐煙  
獨掩畫屏愁不語斜欹瑤枕髻鬟偏此時心在阿誰  
邊

天碧羅衣拂地垂美人初著更相宜宛風如舞透香肌  
獨坐含顰吹鳳竹園中緩步折花枝有情無力泥人

時

相見休言有淚珠  
酒闌重得敘歡娛  
鳳屏鴛枕宿金鋪  
蘭麝細香聞喘息  
綺羅纖縷見肌膚  
此時還恨薄情無

三字令

春欲盡日遲遲  
牡丹時羅幌卷翠簾  
垂彩牋書紅粉淚  
兩心知人不在燕空歸  
負佳期香燼落枕函  
歎月分明花澹薄  
惹相思

南鄉子

嫩草如煙石榴花發海南天  
日暮江亭春影涼  
鴛鴦浴水遠山長  
看不足

畫舸停橈。槿花籬外竹橫橋。水上遊人沙上女。回顧笑指芭蕉林裏住。

岸遠沙平日。斜歸路晚霞明。孔雀自憐金翠尾。臨水認得行人驚不起。

洞口誰家木蘭船。繫木蘭花紅袖女郎。相引去遊南浦。笑倚春風相對語。

二八花鈿。眉前如雪臉如蓮。耳墜金鬢穿瑟瑟。霞衣窄笑倚江頭招遠客。

路入南中。桡根葉暗蓼花紅。兩岸人家微雨後。收紅豆樹底纖纖擡素手。

袖斂鮫綃。采香深洞笑相邀。藤杖枝頭蘆酒滴。鋪葵席

豆蔻花間趁晚日

翡翠鷓鴣白蘋香裏小沙汀  
島上陰陰秋雨色蘆花撲  
數隻漁船何處宿

獻衷心

見好花顏色爭笑東風雙臉上  
晚妝同閉小樓深閣春  
景重重三五夜偏有恨月明中  
情未已信曾通滿衣  
猶自染檀紅恨不如雙燕飛舞  
簾櫳春欲暮殘絮盡柳  
條空

賀明朝

憶昔花間初識面紅袖半遮妝  
臉輕輕轉石榴帶帶故將  
纖纖玉指偷撚雙鳳金線  
碧梧桐鎖深深院誰料得

兩情何日教纏綰，羨春來雙燕飛到玉樓朝暮相見。  
憶昔花間相見後，只憑纖手暗拋紅豆。人前不解巧傳  
心事，別來依舊孤負春晝。碧羅衣上，感金繡，覩對對  
鴛鴦空裛淚痕。透想韶顏非久，終是爲伊，只憑偷瘦。

江城子

晚日金陵岸草平，落霞明水無情。六代繁華暗逐逝波  
聲。空有姑蘇臺上月，如西子鏡照江城。

鳳樓春

鳳髻綠雲叢，深掩房櫳。錦書通夢中，相見覺來慵。勻面  
淚臉珠融。因想玉郎何處去，對淑景誰同。小樓中春  
思無窮，倚闌凝望，闌牽愁緒。柳花飛起，東風斜日照簾

羅幌香冷粉屏空海棠零落鶯語殘紅

歐陽彬

蜀左丞  
詞一首

生查子

竟日畫堂歡入夜重開宴翦燭蠟煙香促席花光顫  
待得月華來滿院如鋪練門外簇驂騮直待更深散

全唐詩

詩九

閻選

後蜀處詞  
七十七首

虞美人

粉融紅膩蓮房綻  
臉動雙波慢  
小魚銜玉鬢  
釵橫石榴  
扇染象紗輕  
轉娉婷  
偷期錦浪荷深處  
一夢雲兼雨  
臂留檀印齒痕香  
深秋不寐漏初長  
儘思量

楚腰蟻領團香玉  
鬢疊深深綠  
月蛾星眼笑微頻  
柳天  
桃豔不勝春晚妝  
勻  
水紋簾映青紗帳  
霧罩秋波上  
一枝嬌臥醉芙蓉  
良宵不得與君同  
恨忡忡

臨江仙

雨停荷芰逗濃香  
岸邊蟬噪垂楊  
物華空有舊池塘  
不

逢仙子何處夢襄王  
珍簟對欹鴛枕冷此來塵暗淒  
涼欲憑危檻恨偏長藕花珠綴猶似汗凝妝

十二高峰天外寒竹梢輕拂仙壇寶衣行雨在雲端畫  
簾深殿香霧冷風殘  
欲問楚王何處去翠屏猶掩金  
鸞  
媛啼明月照空灘孤舟行客驚夢亦艱難

浣溪沙

寂寞流蘇冷繡茵倚屏山枕惹香塵小庭花露泣濃春  
劉阮信非仙洞客嫦娥終是月中人此生無路訪東

鄰

八拍蠻

雲鎖嫩黃煙柳細風吹紅帶雪梅殘光影不勝閨閣恨



行行坐坐黛眉攢

愁鎖黛眉煙易慘  
淚飄紅臉粉難勻  
憔悴不知緣底事  
遇人推道不宜春

河傳

秋雨秋雨無晝無夜  
滴滴霏霏暗燈涼簟  
怨分離妖姬不勝悲  
西風稍急喧窗竹  
停又續膩臉懸雙玉  
幾回邀約雁來時  
違期雁歸人不歸

謁金門

美人浴碧沼蓮開  
芬馥雙髻縮雲顏  
似玉素娥輝淡綠  
雅態芳姿閑淑  
雪映鈿裝金斛  
水濺青絲珠斷續  
酥融香透肉

定風波

江水沈沈帆影過游魚到晚透寒波渡口雙雙飛白鳥  
煙嫋蘆花深處隱漁歌扁舟短檣歸蘭浦人去蕭蕭  
竹徑透青莎深夜無風新雨歇涼月露迎珠顆入圓荷

孫光憲

八十首

竹枝

門前春水竹枝白蘋花兒女岸上無人竹枝小艇斜兒女商女經

過江欲暮兒女散拋殘食竹枝飼神鷗兒女

亂繩千結竹枝絆入深兒女越羅萬丈竹枝表長尋兒女楊柳在

身竹枝垂意緒兒女藕花落盡竹枝見蓮心兒女

浣溪沙

蓼岸風多橘柚香江邊一望楚天長  
片帆煙際閃孤光  
日送征鴻飛杳杳思隨流水去  
茫茫蘭紅波碧憶瀟

湘

桃杏風香簾幕閑謝家門戶約花關  
畫梁幽語燕初還  
繡閣數行題了壁曉屏一枕酒醒山  
却疑身是夢雲

間

花漸凋疎不耐風畫簾垂地晚堂空  
墮塔縈蘚舞愁紅  
膩粉半黏金釐子殘香猶煖繡薰籠  
蕙心無處與人

同

攬鏡無言淚欲流凝情半日嬾梳頭  
一庭疎雨溼春愁  
楊柳祇知傷怨別杏花應信損嬌羞  
淚霑魂斷軫離

憂

半踏長裾宛約行  
晚簾疎處見分明  
此時堪恨昧平生  
早是鎖魂殘燭影  
更愁聞著品弦聲  
杳無消息若爲

情

蘭沐初休曲檻前  
暖風遲日洗頭天  
濕雲新斂未梳蟬  
翠袂半將遮粉臆  
寶釵長欲墜香肩  
此時模樣不禁

憐

風遞殘香出繡簾  
團窠金鳳舞檐檐  
落花微雨恨相兼  
何處去來狂太甚  
空推宿酒睡無厭  
爭教人不別猜

嫌

輕打銀箏墜燕泥  
斷絲高罨畫樓西  
花冠閑上午牆啼

粉籜半開新竹逕紅苞盡落舊桃蹊不堪終日閉深  
閨

烏帽斜欹倒佩魚靜街偷步訪仙居隔牆應認打門初  
將見客時微掩斂得人憐處且生疎低頭羞問壁邊  
書

風撼芳菲滿院香四簾慵卷日初長鬢雲垂枕嚮微鏗  
春夢未成愁寂寂佳期難會信茫茫萬般心千點淚  
泣蘭堂

碧玉衣裳白玉人翠眉紅臉小腰身瑞雲飛雨逐行雲  
除却弄珠兼解佩便隨西子與東鄰是誰容易比真  
真

何事相逢不展眉苦將情分惡猜疑  
眼前行止想應知  
半恨半嗔回面處和嬌和淚泥  
人時萬般饒得爲憐

伊

落絮飛花滿帝城  
看看春盡又傷情  
歲華頻度想堪驚  
風月豈惟今日恨  
煙霄終待此身榮  
未甘虛老負平

生

靜想離愁暗淚零  
欲棲雲雨計難成  
少年多是薄情人  
萬種保持圖永遠  
一般模樣負神明  
到頭何處問平

生

試問於誰分最多  
便隨人意轉橫波  
縷金衣上小雙鵝  
醉後愛稱嬌姐姐  
夜來留得好哥哥  
不知情事久長

麼

葉墜空階折早秋  
細燵輕霧鎖妝樓  
寸心雙淚慘嬌羞  
風月但牽魂  
夢苦歲華偏感別  
離愁恨和相憶  
兩難

酬

月淡風和畫閣深  
露桃煙柳影相侵  
斂眉凝緒夜沈沈  
長有夢魂迷別浦  
豈無春病入離心  
少年何處戀虛

襟

自入春來月夜稀  
今宵蟾彩倍凝輝  
強開襟抱出簾帷  
嚙指暗思花下約  
凭闌羞覩淚痕衣  
薄情狂蕩幾時

歸

十五年來錦岸遊  
未曾行處不風流  
好花長與萬金酬

樓  
滿眼利名渾信運一生狂蕩恐難休且陪煙月醉紅

河傳

太平天子等閑遊戲疏河千里柳如絲  
偎倚綠波春水長淮風不起  
如花殿脚三千女  
爭雲雨何處留人住  
錦帆風煙際紅燒空魂迷大業中

柳拖金縷著煙籠霧濛濛落絮鳳皇舟上楚女妙舞雷  
喧波上鼓龍爭虎戰分中土人無主桃葉江南渡  
花牋豔思牽成篇宮娥相與傳

花落煙薄謝家池閣寂寞春深翠蛾輕斂意沈吟  
露襟無人知此心玉爐香斷霜灰冷簾鋪影梁燕歸紅杏



晚來天空悄然孤眠枕檀雲髻偏

風颭波斂團荷閃閃珠傾露點木蘭舟上何處吳娃越  
豔藕花紅照臉 大堤狂殺襄陽客煙波隔渺渺湖光  
白身已歸心不歸斜暉遠汀瀉鷓飛

菩薩蠻

月華如水籠香砌金鑲碎撼門初閉寒影墜高簷鉤垂  
一面簾 碧煙輕嫋嫋紅戰燈花笑即此是高唐掩屏  
秋夢長

花冠頻鼓牆頭翼東方澹白連窗色門外早鶯聲背樓  
殘月明 薄寒籠醉態依舊鉛華在握手送人歸半拖  
金縷衣

小庭花落無人掃  
疎香滿地東風老  
春晚信沈沈天涯  
何處尋  
曉堂屏六扇  
眉共湘山遠  
爭柰別離心  
近來  
尤不禁

青品碧洞經朝雨  
隔花相喚南溪去  
一隻木蘭船  
波平  
遠浸天  
扣船驚翡翠  
嫩玉擡香臂  
紅日欲沈西  
煙中  
遙解鱗

水綿花映叢祠  
小越禽聲裏  
春光曉銅鼓與蠻歌  
南人  
新賽多  
客帆風正急  
茜袖偎檣立  
極浦幾回頭  
煙波  
無限愁

河瀆神

汾水碧依依  
黃雲落葉初飛  
翠娥一去不言  
歸廟門空

掩斜暉 四壁陰森排古畫  
依舊瓊輪羽駕小殿沈沈  
清夜銀燈飄落香炷  
江上草芊芊 春晚湘妃廟前  
一方卵色楚南天 數行斜  
雁聯翩 獨倚朱闌情不極  
魂斷終朝相憶兩槳不知  
消息遠汀時起鷓鴣

虞美人

紅窗寂寂無人語 暗淡梨花雨  
繡羅紋地粉新描 博山  
香炷旋抽 倚臥魂銷 天涯  
一去無消息 終日長相憶  
教人相憶幾時休 不堪  
振觸別離愁 淚還流  
好風微揭簾旌起 金翼鸞相倚  
翠簷愁聽乳禽聲 此時  
春態暗關情 獨難平 畫堂  
流水空相翳 一穗香搖曳

教人無處寄相思  
落花芳草過前期  
没人知

後庭花

景陽鐘動宮鶯轉  
露涼金殿輕颺吹起瓊花綻  
玉葉如剪  
晚來高閣上珠簾卷  
見墜香千片  
修蛾慢臉陪雕輦  
後庭新宴

石城依舊空江國  
故宮春色七尺青絲芳草綠  
絕世難得  
玉英凋落盡  
更何人識  
野棠如織  
只是教人添怨  
憶悵望無極

生查子

寂寞掩朱門  
正是天將暮  
暗澹小庭中  
滴滴梧桐雨  
繡工夫牽心緒  
配盡鴛鴦縷  
待得没人時  
偎倚論私語

暖日策花驄鞞垂楊陌芳草惹煙青落絮隨風白  
誰家繡轂動香塵隱映神仙客狂殺玉鞭郎咫尺音容  
隔

金井墮高梧玉殿籠斜月永巷寂無人斂態愁堪絕  
玉爐寒香燼滅還似君恩歇翠輦不歸來幽恨將誰說  
春病與春愁何事年年有半爲枕前人半爲花間酒  
醉金尊攜玉手共作鴛鴦偶倒載臥雲屏雪面腰如柳  
爲惜美人嬌長有如花笑半醉倚紅妝轉語傳青鳥  
眷方深憐恰好唯恐相逢少似這一般情甯信春光老  
清曉牡丹芳紅豔凝金蕊乍占錦江春永認笙歌地  
感人心爲物瑞爛熳煙花裏戴上玉釵時迴與凡花異

密雨阻佳期盡日凝然坐簾外正淋漓不覺愁如鎖  
夢難裁心欲破淚逐簷聲隨想得玉人情也合思量我

臨江仙

霜拍井梧乾葉墮翠幃雕檻初寒薄鉛殘黛稱花冠含  
情無語延佇倚闌干杳杳征輪何處去離愁別恨千  
般不堪心緒正多端鏡奩長掩無意對孤鸞

暮雨淒淒深院閉燈前凝坐初更玉釵低壓鬢雲橫半  
垂羅幕相映燭光明終是有心投漢珮低頭但理秦  
箏燕雙鸞偶不勝情只愁明發將逐楚雲行

酒泉子

空磧無邊萬里陽關道路馬蕭蕭人去去隴雲愁一香

貂舊製戎衣窄胡霜千里白綺羅心魂夢隔上高樓  
曲檻小樓正是鶯花二月思無慘愁欲絕鬱離襟展  
屏空對瀟湘水眼前千萬里淚掩紅眉斂翠恨沈沈  
斂態窗前嫋嫋雀釵拋頸燕成雙鸞對影偶新知玉  
纖澹拂眉山小鏡中嗔共照翠連娟紅縵縵早妝時

清平樂

愁腸欲斷正是青春半連理分枝鸞失伴又是一場離  
散掩鏡無語眉低思隨芳草淒淒憑仗東風吹夢與  
郎終日東西

等閑無語春恨如何去絲是疎狂留不住花暗柳濃何  
處盡日目斷魂飛晚窗斜界殘暉長恨朱門薄暮繡

全唐詩  
九  
鞍驄馬空歸

更漏子

聽寒更聞遠雁半夜蕭娘深院高繡戶下珠簾滿庭噴  
玉蟾 人語靜香閨冷紅幕半垂清影雲雨態蕙蘭心  
此情江海深

今夜期來日別相對祇堪愁絕偎粉面撚瑤簪無言淚  
滿襟 銀箭落霜華薄牆外曉雞啾啾聽付屬惡情悰  
斷腸西復東

燭熒煌香旖旎閑放一堆鴛被慵就寢獨無慘相思魂  
欲銷 不會得這心力判了依前還憶空自怨柰伊何  
別來情更多



掌中珠心上氣愛惜豈將容易花下月枕前人此生誰  
更親交頸語合歡身便同比目金鱗連繡枕臥紅茵  
霜天似暖春

對秋深離恨苦數夜滿庭風雨凝想坐斂愁眉孤心似  
有違紅窗靜畫簾垂魂消地角天涯和淚聽斷腸窺  
漏移燈暗時

求君心風韻別渾似一團煙月歌皓齒舞紅籌花時醉  
上樓能婉媚解嬌羞王孫忍不攀留惟我恨未綢繆  
相思魂夢愁

女冠子

二首

蕙風芝露壇際殘香輕度藥珠宮苔點分圓碧桃花踐

破紅 品流巫峽外名籍紫微中真侶墉城會夢魂通  
淡花瘦玉依約神仙妝束佩瓊文瑞露通宵貯幽香盡  
日焚 碧紗籠絳節黃藕冠濃雲勿以吹簫伴不同羣

風流子

茅舍槿籬溪曲雞犬自南自北菰葉長水荇開門外春  
波漲淥聽織聲促軋軋鳴梭穿屋

樓倚長衢欲暮瞥見神仙伴侶微傅粉攏梳頭隱映畫  
簾開處無語無緒慢曳羅裙歸去

金絡玉銜嘶馬繫向綠楊陰下朱戶掩繡簾垂曲院水  
流花謝歡罷歸也猶在九衢深夜

定西番

雞祿山前遊騎邊  
草白朔天明馬蹄輕  
鵲面弓離短  
張彎來月欲成一隻鳴  
髀雲外曉鴻驚  
帝子枕前秋夜霜  
幄冷月華明正三更  
何處戍樓寒  
笛夢殘聞一聲  
遙想漢關萬里淚縱橫

何滿子

冠劍不隨君去  
江河還共恩深  
歌袖半遮眉黛  
慘淚珠旋滴  
衣襟惆悵雲愁  
雨怨斷魂何處相尋

玉胡蝶

春欲盡景仍長  
滿園花正黃粉翅  
兩悠颺翩翩過短牆  
鮮飈暖牽遊伴飛去  
立殘芳無語對蕭娘  
舞衫沈麝

香

八拍蠻

孔雀尾拖金線長  
怕人飛起入丁香  
越女沙頭爭拾翠  
相呼歸去背斜陽

思帝鄉

如何遣情情更多  
永日水堂簾下斂羞蛾  
六幅羅裙窄  
地微行曳碧波  
看盡滿池疎雨打團荷

上行杯

草草離亭鞍馬從  
遠道此地分襟  
燕宋秦吳千萬里  
無辭一醉野棠開  
江草溼佇立霑泣  
征騎駸駸

離櫂逡巡欲動  
臨極浦故人相送  
去住心情知不共  
金船滿捧綺羅愁  
絲管咽回別帆影  
滅江浪如雪

謁金門

留不得留得也應無益白紵春衫如雪色揚州初去日  
輕別離甘拋擲江上滿帆風疾却羨綵鴛三十六孤  
鸞還一隻

思越人

古臺芳草遠館娃宮外春深翠黛空留千載恨教人  
何處相尋綺羅無復當時事露花點滴香淚惆悵遙  
天橫淙水鴛鴦對對飛起

渚蓮枯宮樹老長洲廢苑蕭條想像玉人空處所月明  
獨上溪橋經春初敗秋風起紅蘭綠蕙愁死一片風  
流傷心地魂銷目斷西子

望梅花

數枝開與短牆平見雪萼紅跗相映引起誰人邊塞情  
簾外欲三更吹斷離愁月正明空聽隔江聲

漁歌子

草芊芊波漾漾湖邊草色連波漲  
苧蓼岸泊楓汀天際玉輪初上  
扣舷歌聯極望棹聲伊軋知何向黃鵠叫  
白鷗眠誰似儂家疎曠

泛流螢明又滅夜涼水冷東灣闊風浩浩笛寥寥萬頃  
金波重疊社若洲香郁烈一聲宿雁霜時節經雪水  
過松江盡屬儂家日月

定風波

簾拂踈香斷碧絲淚衫還滴繡黃鸝上國獻書人不在  
凝黛晚庭又是落紅時春日自長心自促翻覆年來  
年去負前期應是秦雲兼楚雨留住向花枝誇說月中  
枝

南歌子

豔冶青樓女風流似楚真  
驪珠美玉未爲珍  
窈窕一枝芳柳入腰身  
舞袖頻回雪歌聲幾動塵  
慢凝秋水顧情人  
祇緣傾國著處覺生春

映月論心處  
偎花見面時  
倚郎和袖撫香肌  
遙指畫堂深院許相期  
解佩君非晚  
虛襟我未遲  
願如連理合歡枝  
不似五陵狂蕩薄情兒

應天長

翠凝仙豔非凡有窈窕年華方十九鬢如雲腰似柳妙  
對綺弦歌醪酒 醉瑤臺攜玉手共燕此宵相偶魂斷  
晚窗分首淚霑金縷袖

遐方怨

紅綬帶錦香囊爲表花前意慙懃贈玉郎此時更役心  
腸轉添秋夜夢魂狂 思豔質想嬌妝願蚤傳金盞同  
歡臥醉鄉任人猜妬惡猜防到頭須使似鴛鴦



全唐詩

張泌

十一首  
七首

浣溪沙

鈿轂香車過柳堤  
樺煙分處馬頻嘶  
爲他沈醉不成泥  
花滿驛亭香露細  
杜鵑聲斷玉蟾低  
含情無語倚樓

西

馬上凝情憶舊遊  
照花淹竹小溪流  
鈿箏羅幕玉搔頭  
早是出門長帶月  
可堪分袂又經秋  
晚風斜日不勝  
愁

獨立寒階望月華  
露濃香泛小庭花  
繡屏愁背一燈斜  
雲雨自從分散後  
人間無路到仙家  
但憑魂夢訪天

涯

依約殘釭理舊黃翠鬟拋擲一簪長暖風晴日罷朝妝  
開折海棠看又撚玉纖無力惹餘香此情誰會倚斜

陽

蕩翠屏開繡幄紅謝娥無力曉妝慵錦帷鴛被宿香濃  
微雨小庭春寂寞燕飛鶯語隔簾櫳杏花凝恨倚東

風

花月香寒悄夜塵綺筵幽會暗傷神嬋娟依約畫屏人  
人不見時還暫語令纔拋後愛微嚙越羅巴錦不勝

春

偏戴花冠白玉簪睡容新起意沈吟翠鈿金縷鎮眉心

小檻日斜風悄悄隔簾零落杏花陰斷香輕碧銷愁

深

晚逐香車入鳳城東風斜揭繡簾輕慢回嬌眼笑盈盈

消息未通何計是便須佯醉且隨行依稀聞道太狂

生

小市東門欲雪天衆中依約見神仙藥黃香晝貼金蟬

飲散黃昏人草草醉容無語立門前馬嘶塵烘一街

煙

臨江仙

煙收湘渚秋江靜蕉花露泣愁紅五雲雙鶴去無蹤幾  
回魂斷凝望向長空翠竹暗留珠淚怨調寶瑟波

中花鬢月鬢綠雲重古祠深殿香冷雨和風

女冠子

露花煙草寂寞五雲三島正春深貌減潛銷玉香殘尚  
惹襟竹疎虛檻靜松密醮壇陰何事劉郎去信沈沈

河傳

渺莽雲水惆悵暮帆去程迢遞夕陽芳草千里萬里雁  
聲無限起夢魂悄斷煙波裏心如醉相見何處是錦  
屏香冷無睡被頭多少淚

紅杏交枝相映密密濛濛一庭濃豔倚東風香融透簾  
櫳斜陽似共春光語蝶爭舞更引流鶯妬魂銷千片  
玉樽前神仙瑤池醉暮天

酒泉子

春雨打窗驚夢覺來天氣曉畫堂深紅燄小背蘭缸  
酒香噴鼻嬾開缸惆悵更無人共醉舊巢中新燕子語  
雙雙

紫陌青門三十六宮春色御溝輦路暗相通杏園風  
咸陽沽酒寶釵空笑指未央歸去插花走馬落殘紅月  
明中

生查子

相見稀喜相見相見還相遠檀畫荔支紅金蔓蜻蜓軟  
魚雁疎芳信斷花落庭陰晚可惜玉肌膚消瘦成慵  
嬾

思越人

燕雙飛鶯百轉越波堤下長橋鬪鈿花筐金匣恰舞衣  
羅薄纖腰東風澹蕩慵無力黛眉愁聚春碧滿地落  
花無消息月明腸斷空憶

滿宮花

花正芳樓似綺寂寞上陽宮裏鈿籠金鎖睡鴛鴦簾冷  
露華珠翠嬌豔輕盈香雪膩細雨黃鶯雙起東風惆  
悵欲清明公子橋邊沈醉

柳枝

膩粉瓊妝透碧紗雪休誇金鳳搔頭墜鬢斜髮交加  
倚著雲屏新睡覺思夢笑紅顚隱出枕函花有些些

南歌子

柳色遮樓暗，桐花落砌香。畫堂開處遠風涼。高卷水精簾額，襯斜陽。

岸柳拖烟綠，庭花照日紅。數聲蜀魄入簾櫳。驚斷碧窗殘夢，畫屏空。

錦薦紅鸂鶒，羅衣繡鳳皇。綺疎飄雪北風狂。簾幕盡垂無事，鬱金香。

江城子

碧闌干外小中庭。雨初晴。曉鶯聲。飛絮落花，時節近清明。睡起卷簾無一事，勻面了，沒心情。

浣花溪上見，卿卿臉波秋。水明黛眉輕。綠雲高綰金簇。

小蜻蜓好事問他來得麼和笑道莫多情

窄羅衫子薄羅裙小腰身晚妝新每到花時長是不宜  
春蚤是自家無氣力更被你惡憐人

河瀆神

古樹噪寒鴉滿庭楓葉蘆花晝燈當午隔輕紗畫閣珠  
簾影斜 門外往來祈賽客翩翩帆落天涯回首隔江  
煙火渡頭三兩人家

胡蝶兒

胡蝶兒晚春時阿嬌初著淡黃衣倚窗學畫伊 還似  
花間見雙雙對對飛無端和淚拭燕脂惹教雙翅垂

馮延巳

八首



如夢令

塵拂玉臺鸞鏡鳳髻不堪重整  
綃帳泣流蘇愁掩玉屏  
人靜多病多病自是行雲無定

三臺令

春色春色依舊青門紫陌日斜柳暗花嫣醉臥春色少  
年年少年少行樂直須及早  
明月明月照得離人愁絕更深影入空牀不道帷屏夜  
長長夜長夜夢到庭花陰下  
南浦南浦翠鬟離人何處當時攜手高樓依舊樓前水  
流流水流水中有傷心雙淚

歸國謠

何處笛深夜夢回情脈脈竹風簷雨寒窗隔  
離人幾歲無消息今頭白不眠特地重相憶

春豔豔江上晚山三四點柳絲如剪花如染  
香閨寂寂門半掩愁眉斂淚珠滴破顰脂臉

江水碧江上何人吹玉笛扁舟遠送瀟湘客  
蘆花千里霜月白傷行色來朝便是關山隔

長相思

紅滿枝綠滿枝宿雨厭厭睡起遲閑庭花影移  
憶歸期數歸期夢見雖多相見稀相逢知幾時

相見歡

曉窗夢到昭華向瓊家欹枕殘妝一朶臥枝花  
情極

處却無語玉釵斜翠閣銀屏回首已天涯

拋球樂

酒罷歌餘興未闌小橋清水共盤桓波搖梅蘂傷心白  
風入羅衣貼體寒且莫思歸去須盡笙歌此夕歡  
逐勝歸來雨未晴樓前風重草煙輕谷鶯語軟花邊過  
水調聲長醉裏聽欵舉金觥勸誰是當筵最有情  
梅落新春入後庭眼前風物可無情曲池波晚冰還合  
芳草迎船綠未成且上高樓望相共凭闌看月生  
霜積秋山萬樹紅倚巖樓上掛朱櫂白雲天遠重重恨  
黃葉煙深淅淅風髣髴梁州曲吹在誰家玉笛中  
盡日登高興未殘紅樓人散獨盤桓一鉤冷霧懸珠箔

滿面西風凭玉闌歸去須沈醉小院新池月乍寒  
坐對高樓千萬山鴈飛秋色滿闌干燒殘紅燭暮雲合  
飄盡碧梧金井寒咫尺人千里猶憶笙歌昨夜歡

點絳脣

蔭綠圍紅夢瓊家在桃源住畫橋當路臨水開朱戶  
柳徑春深行到關情處顰不語意憑風絮吹向郎邊去

酒泉子

庭下花飛月照妝樓春事晚珠簾風蘭燭燼怨空閨  
迢迢何處寄相思玉筯零零腸斷屏幃深更漏永夢魂  
迷

芳草長川柳映危橋橋下路歸鴻飛行又去碧山邊

風微煙淡雨蕭然  
隔岬馬嘶何處九回腸  
雙臉淚夕陽天

青色融融飛燕乍來鶯未語  
小桃寒垂柳晚玉樓空  
天長煙遠恨重重  
消息燕鴻歸去枕前燈  
窗外月閉朱籠

深院空幃廊下風簾驚宿燕  
香印夜蘭燭地覺來時  
月明人自擣寒衣  
剛愛無端惆悵階前行  
闌外立欲雞啼

采桑子

小庭雨過春將盡  
片片花飛獨折殘枝  
無語凭闌  
祇自知  
玉堂香煖珠簾卷  
雙燕來歸君約佳期  
肯信韶華

得幾時

馬嘶入語春風坼芳草綿綿楊柳橋邊落日高樓酒旆  
懸 舊愁新恨知多少目斷遙天獨立花前更聽笙歌  
滿畫船

西風半夜簾櫳冷遠夢初歸夢過金扉花謝窗前夜合  
枝 昭陽殿裏新翻曲未有人知偷取笙吹驚覺寒蛩  
到曉啼

酒闌睡覺天香煖繡戶慵開香印成灰獨背寒屏理舊  
看 朦朧却向燈前臥窗月徘徊曉夢初回一夜東風  
綻早梅

小堂深靜無人到滿院春風惆悵牆東一樹櫻桃帶雨

紅 愁心似醉兼如病欲語還慵日暮疎鐘雙燕歸樓  
畫閣中

畫堂燈煖簾櫳卷禁漏丁丁雨罷寒生一夜西窗夢不  
成 玉娥重起添香印回倚孤屏不語含情水調何人  
吹笛聲

笙歌放散人歸去獨宿江樓月上雲收一半珠簾掛玉  
鉤 起來檢點經遊地處處新愁憑仗東流將取離心  
過橘州

昭陽記得神仙侶獨自承恩水殿燈昏羅幕輕寒夜正  
春 如今別館添蕭索滿面啼痕舊約猶存忍把金環  
別與人

微風簾幙清明近花落春殘尊酒留歡添盡羅衣怯夜  
寒 愁顏恰似燒殘燭珠淚闌干也欲高拌爭奈相逢  
情萬般

畫堂昨夜愁無睡風雨淒淒林鵲爭棲落盡燈花雞未  
啼 年光往事如流水休說情迷玉筯雙垂祇是金籠  
鸚鵡知

寒蟬欲報三秋候寂靜幽居葉落閑階月透簾櫳遠夢  
回 昭陽舊恨依前在休說當時玉笛纔吹滿袖猩猩  
血又垂

洞房深夜笙歌散簾幙重重斜月朦朧雨過殘花落地  
紅 昔年無限傷心事依舊東風獨倚梧桐閑想閑思



到曉鐘

花前失却遊春侶極目尋芳滿眼悲涼縱有笙歌亦斷腸  
林間戲蝶簾間燕各自雙雙忍更思量綠樹青苔  
半夕陽

菩薩蠻

金波遠逐行雲去疎星時作銀河渡花影臥秋千更長  
人不眠玉箏彈未徹鳳髻黃釵脫憶夢翠蛾低微風  
吹繡衣

畫堂昨夜西風過繡簾時拂朱門鎖驚夢不成雲雙蛾  
枕上顰金爐煙嫋嫋燭暗紗窗曉殘日尚彎環玉箏  
和淚彈

梅花吹入誰家笛行雲半夜凝空碧欹枕不成眠關山  
人未還聲隨幽怨絕空斷澄霜月月影下重簷輕風  
花滿簾

回廊遠砌生秋草夢魂千里青門道鸚鵡怨長更碧籠  
金鎖橫羅幃中夜起霜月清如水玉露不成圓寶箏  
悲斷弦

嬌鬟堆枕釵橫鳳溶溶春水楊花夢紅燭淚闌干翠屏  
煙浪寒錦壺催畫箭玉佩天涯遠和淚試嚴妝落梅  
飛夜霜

西風嫋嫋凌歌扇秋期正與行雲遠花葉脫霜紅流螢  
殘月中蘭闈人在否千里重樓暮翠被已銷香夢隨

寒漏長

沈沈朱戶橫金鎖  
紗窗月影隨花過  
燭淚欲闌干  
落梅生晚寒  
寶釵橫翠鳳  
千里香屏夢  
雲雨已荒涼  
江南春草長

歌壤隨髻搖雙槩  
采蓮晚出清江上  
顧影約流萍  
楚歌嬌未成  
相逢顰翠黛  
笑把珠璫解  
家住柳陰中  
畫橋東復東

謁金門

風乍起吹皺一池春水  
閑引鴛鴦芳徑裏  
手按紅杏蘂  
鬪鴨闌干獨倚  
碧玉搔頭斜墜  
終日望君君不至  
舉頭聞鵲喜

楊柳陌寶馬嘶空無跡新著荷衣人未識年年江海客  
夢覺巫山春色醉眼飛花狼藉起舞不辭無氣力愛  
君吹玉笛

清平樂

深冬寒月庭戶凝霜雪風鴈過時魂斷絕塞管數聲嗚  
咽披衣獨立披香流蘇亂結愁腸往事總堪惆悵前  
歡休更思量

雨晴煙晚綠水新池滿雙燕飛來垂柳院小閣畫簾高  
卷黃昏獨倚朱闌西南新月睂彎砌下落花風起羅  
衣特地春寒

西園春早夾徑抽新草冰散漪瀾生碧沼寒在梅花先

老與君同飲金杯飲餘相取徘徊次第小桃將發軒  
車莫厭頻來

更漏子

風帶寒枝正好蘭蕙無端先老情悄悄夢依依離人殊  
未歸 褰羅幕凭朱閣不獨堪悲搖落月東出雁南飛  
誰家夜擣衣

夜初長人近別夢覺一窗殘月鸚鵡收蟪蛄鳴西風寒  
未成 紅蠟燭彈棋局牀上畫屏山綠褰繡幌倚瑤琴  
前歡淚滴襟

玉爐煙紅燭淚偏對畫堂秋思眉翠薄鬢雲殘夜長衾  
枕寒 梧桐樹三更雨不道離情最苦一葉葉一聲聲

空階滴到明

喜遷鶯

宿鶯啼鄉夢斷春樹曉朦朧殘燈和燼閉朱櫳人語隔  
屏風香已寒燈已絕忽憶去年離別石城花雨倚江  
樓波上木蘭舟

霧濛濛風浙浙楊柳帶疎煙飄飄輕絮滿南園牆下草  
芊綿燕初飛鶯已老拂面春風長好相逢攜酒且高  
歌人生得幾何

阮郎歸

南園春半踏青時風和聞馬嘶青梅如豆柳如絲日長  
蝴蝶飛花露重草煙低人家簾幕垂鞦韆慵困解羅

衣畫梁雙燕棲

角聲吹斷隴梅枝孤窗月影低塞鴻無限欲驚飛城烏  
休夜啼尋斷夢掩深閨行人去路迷門前楊柳綠陰  
齊何時聞馬嘶

賀聖朝

金絲帳煖牙牀穩懷香方寸輕顰輕笑汗珠微透柳露  
花潤雲鬟斜墜春應未已不勝嬌困半欹犀枕亂纏  
珠被轉羞人問

應天長

石城山下桃花綻宿雨初晴雲未散南去棹北飛鴈水  
濶山遙腸欲斷倚樓情緒嬾無限春心無限燕度萊

葭風晚欲歸愁滿面

醉花間

獨立堦前星又月  
簾櫳偏皎潔  
霜樹盡空枝  
腸斷丁香結  
夜深寒不寐  
疑恨何曾歇  
凭闌干欲折  
兩條玉筋  
爲君垂此宵情誰共說

月落霜繁深院閉  
洞房人正睡  
桐樹倚雕簷  
金井臨瑤砌  
曉風寒不啻  
獨立成顛顛  
閑愁渾未已  
離人心緒  
自無端  
莫思量  
休後悔

芳草渡

梧桐落  
蓼花秋  
煙初冷  
雨纔收  
蕭條風物正堪愁  
人去後  
多少恨  
在心頭  
燕鴻遠  
羌笛怨  
渺渺澄波一片山



如黛月如鉤笙歌散夢魂斷倚高樓

南鄉子

細雨濕流光芳草年年與恨長煙鎖鳳樓無限事茫茫  
鸞鏡鴛衾兩斷腸魂夢任悠揚睡起楊花滿繡牀薄  
倖不來門半掩斜陽負你殘春淚幾行  
細雨泣秋風金鳳花箋滿地紅閑促黛眉慵不語情緒  
寂寞相思知幾許玉枕擁孤衾挹恨還聞歲月深簾  
卷曲房誰共醉顛顚惆悵秦樓彈粉淚

舞春風

一名瑞鵲鳴

嚴妝纔罷怨春風粉牆畫壁宋家東蕙蘭有恨枝尤綠  
桃李無言花自紅燕燕巢兒羅幕卷鶯鶯啼處鳳樓

空少年薄倖知何處每夜歸來春夢中

虞美人

玉鉤鸞柱調鸚鵡宛轉留春語雲屏冷落畫堂空薄晚  
春寒無奈落花風 舉簾燕子低飛去拂鏡塵鸞舞不  
知今夜月眉彎誰佩同心雙結倚闌干  
春風拂拂橫秋水掩映遙相對祇知長作碧窗欺誰信  
東風吹散彩雲飛 銀屏夢與飛鸞遠祇有珠簾卷楊  
花零落月溶溶塵掩玉箏弦柱畫堂空

臨江仙

冷紅飄起桃花片青春意緒闌珊高樓簾幙卷輕寒酒  
餘人散獨自倚闌干 夕陽千里連芳草風光愁殺玉

孫徘徊飛盡碧天雲鳳城何處明月照黃昏

蝶戀花

窗外寒雞天欲曙香印成灰坐起渾無緒庭際高梧凝  
宿霧卷簾雙鵲驚飛去屏上羅衣閑繡縷一晌關情

憶遍江南路夜夜夢魂休謾語已知前事無情處

蕭索清秋珠淚墜枕簟微涼展轉渾無寐殘酒欲醒中  
夜起月明如練天如水堦下寒聲啼絡緯庭樹金風

悄悄重門閉可惜舊歡攜手地思量一夕成憔悴

幾度鳳樓同飲宴此夕相逢却勝當時見低語前歡頻  
轉面雙眉斂恨春山遠蠟燭淚流羌笛怨偷整羅衣

欲唱情猶嬾醉裏不辭金爵滿陽關一曲腸千斷

幾日行雲何處去忘了歸來不道春將暮百草千花寒  
食路香車繫在誰家樹淚眼倚樓頻獨語雙燕飛來  
陌上相逢否揜亂春愁如柳絮悠悠夢裏無尋處

六曲闌干偎碧樹楊柳風輕展盡黃金縷誰把鈿箏移  
玉柱穿簾海燕雙飛去滿眼遊絲兼落絮紅杏開時

一霎清明雨濃醉覺來鶯亂語驚殘好夢無尋處  
誰道閑情拋棄久每到春來惆悵還依舊日日花前常  
病酒不辭鏡裏朱顏瘦河畔青蕪堤上柳爲問新愁  
何事年年有獨立小樓風滿袖平林新月人歸後

壽山曲

銅壺滴漏初盡高閣雞鳴半空吹起五門金鎖猶垂三

殿簾櫺階前御柳搖綠仗下宮花散紅鴛瓦數行曉日  
鶯旗百尺春風侍臣舞蹈重拜聖壽南山永同

思越人

與本調  
不同

酒醒情懷惡金縷褪玉肌如削寒食過却海棠零落  
乍倚遍闌干煙淡薄翠幙簾櫺畫閣春睡著覺來失鞦韆  
期約

上行杯

與本調  
不同

落梅暑雨消殘粉雲重煙深寒食近羅幙遮香柳外鞦韆  
出畫牆春山顛倒釵橫鳳飛絮入簾春睡重夢裏  
佳期祇許庭花與月知

薄命妾

春日宴綠酒一杯歌一遍再拜陳三願  
一願郎君千歲二願妾身長健三願如同梁上燕  
歲歲長相見

金錯刀

一夕醉

雙玉斗百瓊壺佳人歡飲笑喧呼  
麒麟欲畫時難偶鷗鷺何猜興不孤  
歌婉轉醉模糊高燒銀燭臥流蘇  
只銷幾覺懣騰睡身外功名任有無

日融融草芊芊黃鶯求友啼林前  
柳條嫋嫋拖金線花藥茸茸簇錦籠  
鳩逐婦燕穿簾狂蜂浪蝶相翩翩  
春光堪賞還堪翫惱殺東風悞少年

憶江南

二首與木調不同

去歲迎春樓上月正是西窗夜涼時  
節玉人貪睡墜釵

雲粉消妝薄見天真  
人非風月長依舊  
破鏡塵箏一  
夢經年瘦  
今宵簾幕颺花陰  
空餘枕淚獨傷心  
今日相逢花未發  
正是去年別離時  
節東風次第有花  
開  
恁時須約却重來  
重來不怕花堪折  
祇恐明年花  
發人離別  
別離若向百花時  
東風彈淚有誰知

徐昌圖

莆田人  
入宋終  
殿中丞詞一首

木蘭花

沈檀煙起盤紅霧  
一箭霜風吹繡戶  
漢宮花面學梅妝  
謝女雪詩裁柳絮  
長垂夾幕孤鸞舞  
旋炙銀笙雙鳳  
語紅窗酒病嚼寒冰  
冰損相思無夢處

臨江仙

飲散離亭西去浮生常恨飄蓬回頭煙柳漸重重淡雲  
孤鴈遠寒日暮天紅 今夜畫船何處潮平淮月朦朧  
酒醒人靜奈愁濃殘燈孤枕夢輕浪五更風

河傳

秋光滿目風清露白蓮紅水綠何處夢回弄珠拾翠盈  
盈荷闌繞眉黛蹙 采蓮調穩吳侶聲相續倚棹吳江  
曲鷺起暮天幾雙交頸鴛鴦入蘆花深處宿

徐鉉 一首

拋毬樂

歌舞送飛毬金觥碧玉籌管弦桃李月簾幕鳳皇樓  
笑千場醉浮生任白頭



灼灼傅花枝紛紛度畫旂不知紅燭下照見彩毬飛借  
勢因期尅巫山暮雨歸

樓因賤坡巫山暮雨歸

以以軒茲妹絲絲更畫落不味工圖平照良漫海深昔

全唐詩

庾傳素 一首

木蘭花

木蘭紅豔多情態不似凡花人不愛移來孔雀檻邊栽  
折向鳳皇釵上戴 是何芍藥爭風彩自共牡丹長作  
對若教爲女嫁東風除却黃鶯難匹配

劉侍讀 一首

生查子

深秋更漏長滴盡銀臺燭獨步出幽閨月晃波澄綠  
菱荷風乍觸一對鴛鴦宿虛擢玉釵驚驚起還相續

許岷 二首

木蘭花

小庭日晚花零落倚戶無聊妝臉薄寶箏金鴨任生塵  
繡畫工夫全放却 有時覷著同心結萬恨千愁無處  
說當初不合儘饒伊贏得如今長恨別  
江南日暖芭蕉展美人折得親裁翦書成小簡寄情人  
臨行更把輕輕撚 其中撚破相思字却恐郎疑蹤不  
似若還猜妾倩人書誤了平生多少事

林楚翹

一首

菩薩蠻

畫堂春畫垂珠箔臥來揉惹金釵落簾滑枕頭移鬢蟬  
狂欲飛 笑拖嬌眼慢羅袖籠花面重道好郎君人前

莫惱人

無名氏

九首

一片子

柳色青山映梨花雪鳥藏綠窗桃李下閑坐歎春芳

寒姑

昨日盧梅塞口整見諸人鎮守都護三年不歸折盡江邊楊柳

醉公子

門外鴉兒吠知是蕭郎至剗襪下香階寃家今夜醉扶得入羅幃不肯脫羅衣醉則從他醉還勝獨睡時

菩薩蠻

牡丹含露真珠顆，美人拆向庭前過。含笑問檀郎，花強  
妾貌強。檀郎故相惱，須道花枝好。一面發嬌嗔，碎接  
花打人。

賀聖朝

白露點曉星明滅，秋風落葉故址頽。垣冷煙衰草前朝  
宮闕。長安道上行客，依舊利深名切，改變容顏消磨  
今古隴頭殘月。

虞美人

帳中草草軍情變，月下旌旗亂。褫衣推枕愴離情，遠風  
吹下楚歌聲。正三更。撫騅欲下重相顧，豔態花無主。  
手中蓮鐔凜秋霜，九泉歸去是仙鄉。恨茫茫。

後庭宴

千里故鄉十年華屋亂魂飛過屏山簇眼重眉褪不勝  
春菱花知我銷香玉 雙雙燕子歸來應解笑人幽獨  
斷歌零舞遺恨清江曲萬樹綠低迷一庭紅撲籜

擷芳詞

風搖蕩雨濛茸翠條柔弱花頭重春衫窄香肌濕記得  
年時共伊曾滴 都如夢何曾共可憐孤似釵頭鳳關  
山隔晚雲碧燕兒來也又無消息

魚遊春水

秦樓東風裏燕子還來尋舊壘餘寒猶峭紅日薄侵羅  
綺嫩草方抽碧玉茵媚柳輕窳黃金縷鶯轉上林魚遊

春水幾曲闌干遍倚又是一番新桃李佳人應怪歸  
遲梅妝淚洗鳳簫聲絕沈孤鴈望斷清波無雙鯉雲山  
萬重寸心千里

楊貴妃

阿那曲

羅袖動香香不已紅蕖嫋嫋秋煙裏輕雲嶺下乍搖風  
嫩柳池塘初拂水

閩后陳氏

名含風閩嗣主王  
廷鈞之后詞二首

樂遊曲

龍舟搖曳東復東采蓮湖上紅更紅波淡淡水溶溶奴  
隔荷花路不通



西湖南湖鬪綵舟青蒲紫蓼滿中洲波渺渺水悠悠長  
奉君王萬歲遊

柳氏

楊柳枝

楊柳枝芳菲節可恨年年贈離別一葉隨風忽報秋縱  
使君來豈堪折

王麗真女郎

字字雙

牀頭錦衾斑復斑架上朱衣殷復殷空庭明月閑復閑  
夜長路遠山復山

耿玉真

菩薩蠻

玉京人去秋蕭索  
畫簷鵲起梧桐落  
敲枕悄無言  
月和殘夢圓  
背燈唯暗泣  
甚處砧聲急  
眉黛遠山攢  
芭蕉

生暮寒

一作獨自倚闌  
千衣襟生暮寒

句

庭空客散人歸後  
畫堂半掩朱簾林  
風浙浙夜厭厭  
小樓新月回首自纖纖

春光鎮在人空老  
新愁往恨何窮  
金窗力困起還慵  
一聲羌笛驚起醉  
怡容

李後主臨江仙前  
後兩調各逸其半

尋春須是陽春早  
看花莫待花枝老

後主菩薩蠻

帝鄉煙雨鎖春愁  
故國山川空淚眼

吳越王錢  
俶木蘭花

全唐詩

呂巖

二十首

梧桐影

落日斜秋風冷今夜故人來不來  
教人立盡梧桐影

憶江南

淮南法秋石最堪誇位應乾坤  
白露節象移寅卯紫河車子午  
結朝霞

王陽術得祕是黃牙萬藥初生  
將此類黃鍾應律始歸家十月  
定君誇

黃帝術玄妙美金花玉液初凝  
紅粉見乾坤覆載暗交加龍虎  
變成砂

長生術玄要補泥丸彭祖得之年八百世人因此轉傷  
殘誰是識陰丹

陰丹訣三五合玄圖二八應機堪采運玉瓊回首免榮  
枯顏貌勝凡姝

長生術初九祕潛龍慎勿從高宜作客丹田流注氣交  
通耆老反嬰童

修身客莫誤入迷津氣術金丹傳在世象天象地象人  
身不用問來鄰

還丹訣九九最幽玄三性本同一體內要燒靈藥切尋  
鉛尋得是神仙

長生藥不用問他人八卦九宮看掌上五行四象在人

金鳳欲飛遭掣搦情脈脈看即玉樓雲雨隔

錢俶

桃李不須誇爛熳已輸了風吹一半

韓熙載  
詠梅

學著荷衣還可喜年少多來有幾自古閑愁無際

馮延巳  
謁金門

初離蜀道心將碎離恨綿綿春日如年馬上時時聞杜

鵑花藥夫人  
采桑子



身明了自通神

學道客修養莫遲遲  
光景斯須如夢裏  
還丹粟粒變金姿  
死去莫回歸

治生客審細察微言  
百歲夢中看  
即過勸君修煉保尊  
年不久是神仙

瑤池上瑞霧靄羣仙  
素練金童鏘鳳板  
青衣玉女嘯鸞  
弦身在大羅天  
沉醉處縹渺玉京山  
唱徹步虛清燕  
罷不知今夕是何年  
海水又桑田

西江月

著意黃庭歲久留心  
金碧年深爲憂  
白髮鬢相侵  
仙訣朝朝討論  
秘要俱皆覽  
過神仙奧旨  
重吟至人親指

水中金不負平生志性

任是聰明志士常迷東竈黃庭叅同大易事分明不曉  
醉眠難醒若遇高人指引都來不費功程北方坎子  
是金精認得黃牙方盛

沁園春

七返還丹在我先須煉已待時正一陽初動中宵漏永  
温温鉛鼎光透簾幃造化爭馳虎龍交媾進火功夫牛  
斗危曲江上看月華瑩淨有箇鳥飛當時自飲刀圭  
又誰信無中就養兒辨水源清濁木金間隔不因師指  
此事難知道要玄微天機深遠下手忙修猶太遲蓬萊  
路待三千行滿獨步雲歸



火宅牽纏夜去明來早晚擔憂奈今日茫然不知明日  
波波劫劫有甚來由人世風燈草頭珠露我見傷心眼  
淚流不堅久似石中迸火水上浮漚 休休及早回頭  
把往日風流一筆鉤但麤衣淡飯隨緣度日任人笑我  
我又何求限到頭來不論貧富著甚干忙日夜憂勸年  
少把家緣棄了海上來遊

詩曲文章任汝空留數千萬篇奈日推一日月推一月  
今年不了又待來年有限光陰無涯火院只恐蹉跎老  
却賢貪癡漢望成家學道兩事雙全 凡間只戀塵緣  
又誰信壺中別有天這道本無情不親富貴不疎貧賤  
只要心堅不在勞神不須苦行息慮忘機合自然長生

事待明公放下方可相傳

卜算子

心空道亦空風靜林還靜  
卷盡浮雲月自明中有山河  
影 供養及修行舊話成  
重省豆爆生蓮火裏時痛撥  
寒灰冷

步蟾宮

坎離乾兌逢子午須認取自家根  
祖地雷震動山頭雨  
要洗濯黃牙土 捉得金精牢閉  
錮煉甲庚要生龍虎  
待他問汝甚人傳但說道先生姓呂

滿庭芳

大道淵源高真隱秘風流豈可知  
聞先天一氣清濁自

然分不識坎離顛倒誰能辨金木浮沈幽微處無中產  
有澗畔虎龍吟 空 中真造化天精地髓陰魄陽魂運  
周天水火燮理寒溫十月脫胎丹就除此外皆是傍門  
君知否塵寰走遍端的少知音

酹江月

仙風道骨顛倒運乾坤平分時節金木相交坎離位一  
粒刀圭凝結水虎潛形火龍伏體萬丈毫光烈仙花朵  
秀聖男靈女板折 霄漢此夜中秋銀蟾離海浪卷千  
層雪此是天關地軸誰解推窮圓缺片晌功夫霎時丹  
聚到此憑何訣倚天長嘯洞中無限風月

水龍吟

目前咫尺長生路多少愚人  
不悟愛河浪闊洪波風緊  
舟船難渡略聽仙師語到  
彼岸只消一句煉金丹換了  
凡胎濁骨免輪迴三塗苦  
萬事澄心定意聚真陽都  
歸一處分明認得靈光真  
趣本來面目此箇幽微理  
莫容易等閑分付知蓬萊  
自有神仙伴侶同攜手朝  
天去

豆葉黃

二月江南山水路李花零  
落春無主一箇魚兒無覓  
處  
風和雨玉龍生甲歸天去

浪淘沙

我有屋三椽住在靈源無  
遮四壁任蕭然萬象森羅  
爲  
斗拱瓦蓋青犬無漏得  
多年結就因緣修成功行  
滿

三千降得火龍伏得虎陸路神仙

蘇幙遮

天不高地不大惟有真心物物俱含載不用之時全體  
在用即拈來萬象周沙界 虛無中塵色內盡是還丹  
歷歷堪收采這箇鼎鑪解不解養就靈鳥飛出光明海

雨中花

三百年間功標青史幾多俱委埃塵悟黃梁棄事厭世  
藏身將我一枝丹桂換他千載青春岳陽樓上綸巾羽  
扇誰識天人 蓬萊願應仙舉誰知會合仙賓遙想望  
吹笙玉殿奏舞鸞栖風馭雲駟不散碧桃紫奈長新願  
逢一粒九霞光裏相繼朝真

促拍滿路花

西風吹渭水落葉滿長安茫茫塵世裏獨清閑自然鑪  
鼎虎繞與龍盤九轉丹砂就一粒刀圭便成陸地神仙  
任萬釘寶帶貂蟬富貴欲熏天黃梁炊未熟夢驚殘  
是非海裏直道作人難袖手江南去白蘋紅蓼又尋盜  
浦廬山

六么令

東與西眼與眉偃月爐中運坎離靈砂且上飛最幽微  
是天機你休癡你不知

漢宮春

橫笛聲沉倚危樓紅日江轉天斜黃塵邊火瀕洞何處

吾家胎禽怨夜來乘風玄露丹霞先生笑飛空一劍東  
風猶自天涯情知道山中好早翠囂含隱瑶草新芽  
青溪故人信斷夢飈車乾坤星火歸來了煮石煎沙回  
首處幅巾蒲帳雲邊獨是桃花

減蘭

即減字木蘭花

暫遊大庾白鶴飛來誰共語嶺畔人家曾見寒梅幾度  
花春來春去人在落花流水處花滿前蹊藏盡神仙  
人不知

伊用昌

憶江南

江南鼓棹肚兩頭纒釘著不知侵骨髓打來只是沒心

肝空腹被人謾

青

筵姑入

風醉自天

香峯韻會